



OPĆINA TUZLA

INFORMACIJE

**o administrativnim taksama za
obavljanje samostalne djelatnosti**

i

**naknadama na ime troškova postupka
prilikom utvrđivanja minimalne tehničke
opremljenosti poslovnih prostora**



Visina administrativnih taksi za izdavanje rješenja o obavljanju samostalnih djelatnosti i naknade na ime troškova postupka prilikom utvrđivanja minimalne tehničke opremljenosti poslovnih prostora

Općina Tuzla je usvajanjem Odluka o izmjenama i dopunama Odluke o izmjenama i dopunama Odluke o administrativnim taksama i Odluke o izmjenama i dopunama Odluke o naknadama na ime troškova postupka prilikom utvrđivanja minimalne tehničke opremljenosti poslovnih prostora, izvršila umanjeње ovih naknada za poduzetnike i poslovne subjekte na području općine Tuzla.

Visina naknada / administrativnih taksi za osnivanje samostalne djelatnosti je kako slijedi:

- **50 KM** za samostalne djelatnosti kao što su: proizvodna djelatnost, ugostiteljske usluge u seoskom domaćinstvu, domaća radinost, prevoz za lične potrebe poljoprivredne djelatnosti ili druge registrovane djelatnosti, pijačna tezga
- **80 KM** za sve druge oblike samostalne djelatnosti

Fizička lica / samostalne djelatnosti koji prvi puta registruju neku od djelatnosti na području općine Tuzla, plaćaju taksu u iznosu od **50%** takse koja je gore navedena.

Visina naknada na ime troškova postupka prilikom utvrđivanja minimalne tehničke opremljenosti poslovnih prostora je kako slijedi:

- **30 KM** za fizička lica / samostalne djelatnosti na području općine Tuzla
- **100 KM** za privredna društva sa područja općine Tuzla (osim za kućnu radinost koja iznosi 50 KM)

Izvršenim izmjenama, općina Tuzla ima najpovoljnije uslove za osnivanje poslovne djelatnosti na području Bosne i Hercegovine.



Podrška općine Tuzla razvoju poduzetništva i malih i srednjih preduzeća

Općina Tuzla u kontinuitetu pruža podršku razvoju poduzetništva i malih i srednjih preduzeća i razvoju primarne poljoprivredne proizvodnje putem Službe za razvoj i poduzetništvo Općine Tuzla. Strateški pravci razvoja grada utvrđeni su Dugoročnom strategijom razvoja do 2015. godine, i daju opći razvojni okvir grada.

Zahvaljujući velikom angažmanu Općine Tuzla, ostvareni su zapaženi rezultati na stvaranju pozitivne klime za ulaganja i stvaranje novih radnih mjesta. Aktivnosti Općine Tuzla na podršci razvoja poduzetništva i poljoprivrede su:

- Kontinuirana podrška razvoju poduzetničke infrastrukture i poslovnih i poduzetničkih zona, podrška BIT Centru Tuzla i RPC Tuzla – Inkubator »Lipnica« u cilju stvaranja novih radnih mjesta
- Savremeni oblici podrške poduzetništvu učešćem u uspostavljanju kreditno – garantnog fonda za poduzetnike sa područja općine Tuzla
- Subvencioniranje kamate na kredit za mala i srednja preduzeća, poduzetnike i poljoprivrednike, čime je za korisnike kreditnih sredstava sa područja općine Tuzla kamatna stopa u visini od 3%
- Uklanjanje administrativnih barijera za razvoj MSP i poduzetništva uz pojednostavljenje procedura i ubrzanje postupka registrovanja obrta – samostalne djelatnosti
- Podrška uključivanju početnika u biznis kao što su žene, mladi i druge grupe stanovništva
- Podrška poljoprivrednicima koji tek započinju sa proizvodnjom kao i podrška postojećim poljoprivrednim proizvođačima
- Podrška poduzetnicima putem Biznis Info Centra koji djeluje u sastavu Udruženja samostalnih privrednika općine Tuzla, u obliku informativnih i savjetodavnih usluga
- Podrška udruženjima poljoprivrednih proizvođača u cilju unapređenja uslova za poslovanje poljoprivrednih proizvođača na području općine Tuzla
- Učešće u radu Foruma za lokalni ekonomski razvoj u cilju ostvarenja kontinuirane saradnje svih ključnih aktera na razvoju poduzetništva na području općine Tuzla



Podrška općine Tuzla lokalnom ekonomskom razvoju

Pored navedenog, u prethodnom periodu, u skladu sa usvojenim dokumentom Dugoročne strategije razvoja općine Tuzla od 2003. do 2015. godine, općinska administracija je pružila sveobuhvatnu podršku čime su ostvareni slijedeći najznačajniji rezultati i postignuća u promjeni imidža grada kao mjesta ugodnog življenja uz adekvatnu valorizaciju kulturno-historijskog i prirodnog naslijeđa i ljudskog potencijala:

- nakon 75 godina ukinute su restrikcije vode, puštanjem u rad najmodernije fabrike vode,
- nakon 122 godine uklonjeni su uzroci slijeganja Tuzle
- izgrađena su dva jedinstvena slana jezera u centru grada u Evropi, površine 10.140m² i 5.300m², kao i slani vodopadi
- poboljšana je i izgrađena komunalna infrastruktura u svim mjesnim zajednicama na području općine Tuzla,
- obnovljeni su objekti kulturno-historijskog naslijeđa, revitalizacijom starog gradskog jezgra, uspostavljanjem turističkog trga – Soni trg, izgradnjom Arheološkog parka – Sojениčko naselje,
- obnavljanje fasada i prostora u staroj gradskoj jezgri u cilju podsticanja razvoja kreativne industrije,
- rekonstrukcija i izgradnja gradskih trgova i izgradnja fontana,
- značajno unapređeno stanje ekologije, te usvojen Lokalni ekološki akcioni plan (LEAP)
- postignuta su značajna unapređenja u oblastima obrazovanja, kulture, sporta, socijalne i dječije zaštite
- Brojne domaće i međunarodne nagrade za postignuća u poboljšanju općih uslova za življenje u gradu

Zahvaljujući potpunom angažmanu lokalne uprave, učinjeni su značajni iskoraci u razvoju grada, što je ujedno i uticalo na promjenu percepcije građana Tuzle o budućnosti razvoja grada, te uticalo na stvaranje kvalitetnog i ugodnog ambijenta za življenje građana.

